

# MAHINUNGDANONG MGA BUTANG PARA SA PAGPAHIULI SA IGLESIAHANONG KINABUHI

(Sabado—Unang Sesyon sa Buntag)

Mensahe 4

## Ang Kalabot sa Pagbulot-an diha sa Lawas ni Cristo ug sa Mga Iglesia Lokal

Basahong Kasulatan: Rom. 9:23, 25; Mat. 28:18; Efe. 1:22-23; Heb. 4:16;  
Bug. 4:2; 22:1-2

### I. Ang Dios maoy kinalabwang pagbulot-an; Iyaha ang tanang pagbulot-an— Rom. 9:21-22:

- A. Ang pagbulot-an sa Dios sa pagkatinuod mao ang Dios mismo; naggikan sa kagalingong pagkamao sa Dios ang pagbulot-an—Bug. 22:1.
- B. Naggikan sa Dios ang tanang pagbulot-an—espirituhanon, iya-sa-posisyon, ug iya-sa-pangagamhanan—2 Cor. 10:8; 13:10; Juan 19:10-11; Gen. 9:6.
- C. Sulodnong pinadayag imbis nga dayag nga pagtulon-an ang pagkaila sa pagbulot-an—Buh. 22:6-16.
- D. Tawo si Ginoong Jesus nga nagpasakop sa pagbulot-an; nagpaubos Siya, nagbuhat sa kabubut-on sa Amahan, ug nagmasinugtanon ngadto sa kamatayon, bisan ngani sa kamatayon sa krus—Mat. 8:9; Juan 4:34; 6:38; Fil. 2:7-8.
- E. Sa pagkadios sa Ginoong isip bugtong Anak sa Dios, duna Siyay pagbulot-an sa tanan, apan sa Iyang pagka-tawo isip Anak sa Tawo ug Hari sa langitnong gingharian, gihatag Kaniya ang tanang pagbulot-an sa langit ug sa yuta sa nabanhaw na Siya—Mat. 28:18.
- F. Isip Magbubuot sa mga hari sa yuta karon, ang gibayaw-sa-Dios nga Jesus mao ang Magbubuot sa tanang tawo nga naa sa gahom; Siya ang labawng Magbubuot sa diosnong pangagamhanan aron matuman ang walay kataposang plano sa Dios—Buh. 2:23, 36; 5:31; Bug. 1:5.
- G. Sa pagkayab ni Cristo gihimo Siya sa Dios nga bugtong-talagsaong Ulo sa Lawas, sa iglesia, ug inagurahan Siya nga mahimong ulo sa uniberso; si Jesus ang Ulo sa tibuok uniberso—Col. 1:18; Buh. 2:36; Efe. 1:22-23.

### II. Si Cristo ang Ulo sa Lawas, sa iglesia, sa hiniusa ug sa tanang magtutuo sa tinagsa; Siya ang direktang Ulo sa matag usa nato, ug nasakop tang tanan sa Iyang pagbulot-an—Col. 1:18; 1 Cor. 11:3:

- A. Kanang si Cristo maoy Ulo nagpasabot man nga Iyaha ang tanang pagbulot-an diha sa Lawas—Rom. 9:21, 23; Mat. 28:18:
  1. Dili gawasnong makalihok ang Lawas; makalihok lang kini segun sa paggiya sa Ulo.
  2. Naa sa Ulo ang pagbulot-an sa paggiya sa Lawas ug sa tanang bahin niini.
- B. Matino ang pagpasakop nato sa pagbulot-an sa Ulo sa pagkaila nato sa kinabuhi sa Lawas—1 Cor. 11:3; Efe. 4:15-16; Col. 1:18; 3:4:
  1. Usa ra gyod ang Ulo sa Lawas ug makapasakop kini sa usa ra ka Ulo—1:18.
  2. Si Cristo ra ang bugtong-talagsaong Ulo, ug magpasakop gyod ta Niya, magpasidungog ug manghimatuod sa bugtong-talagsaong pagkaulo sa gibayaw-sa-Dios nga Cristo—Efe. 1:22-23; Mat. 23:8-12.
- C. Aron makakinabuhi diha sa Lawas, moila gyod ta sa pagbulot-an diha sa Lawas—Efe. 1:22-23; Col. 1:18; 2:19:

1. Kalabot sa pagbulot-an sa Lawas, gikinahanglan una sa tanan nga moagay ang pagbulot-an sa Ulo sa tibuok Lawas—Efe. 5:23-24:
  - a. Direkta ngani tang magpasakop sa Ulo, magtagad sab ta sa Lawas; im-possible mang makaingon ta nga nagpasakop ta sa pagbulot-an sa Ulo nga wala magtagad sa Lawas.
  - b. Ang Ginoo ray Ulo nato, ug Siya ray dunay pagbulot-an nga mogiya sa mga lihok sa mga bahin sa Iyang Lawas.
2. Diha sa Lawas ang mga anciano ug mga apostol ang mga tinugyanang pagbulot-an nga mopalakaw sa pagbulot-an sa Ulo—Buh. 14:23; 1 Tim. 5:17; 1 Cor. 12:28:
  - a. Sa usa ka bahin, direktang magpasakop sa Ulo ang tanang bahin sa Lawas—Efe. 5:24.
  - b. Sa laing bahin, magpasakop sa mga tinugyanan sa Ulo ang mga bahin—Heb. 13:17.

### **III. Naggikan ang han-ay sa iglesia sa pagbulot-ang naa sa iglesia—ang pagpasidungog sa bugtong-talagsaong pagkaulo ni Cristo—Col. 1:18; Fil. 1:1:**

- A. Walay tawhanong organisasyon diha sa iglesia, apan dunay espirituhanong han-ay—v. 1; 1 Cor. 14:40; 11:34.
- B. Ang Ulo sa iglesia mao si Cristo nga Ginoo, ug ang pagbulot-an sa iglesia mao ang pagkaulo ni Cristo—Mat. 28:18; Col. 1:18.
- C. Naa gyoy han-ay diha sa iglesia, apan naggikan sa pagkaulo ni Cristo kining han-aya—Efe. 1:22-23.
- D. Tinuod lang tang makabatasan sa iglesiahanong kinabuhi sa pagpasakop nato sa bugtong-talagsaong pagkaulo ni Cristo—Col. 1:18; 2:19:
  1. Naggikan sa pagkaulo ni Cristo nga praktikal nga naamgohan nato ang han-ay sa iglesia—11:3, 16; Efe. 1:22.
  2. Kon wala tay espirituhanong han-ay diha sa iglesia nga naggikan sa praktikal nga pagkaamgo nato sa pagkaulo ni Cristo, dili gyod nato mabatasan ang tinuod nga iglesiahanong kinabuhi—1 Cor. 11:3; 14:40.

### **IV. Diha sa iglesia gipadayag ug girepresentahan sa mga apostol ug mga anciano ang pagbulot-an sa Dios—1 Cor. 12:28; 1 Ped. 5:1-3:**

- A. Gitudlo sa Dios ang mga anciano ug mga apostol nga mahimong pagbulot-an diha sa iglesia—1 Cor. 12:28; Buh. 14:23.
- B. Sa ilang kaugalingon walay pagbulot-an ang mga apostol ug mga anciano; naa ra silay pagbulot-an sa pagbarog nila ilalom sa pagbulot-an sa Ulo; nigamit silag pagbulot-an diha sa iglesia sa pagrepresentar nila sa pagbulot-an sa Ulo.
- C. Aron mapadayag ang pagbulot-an sa Dios diha sa iglesia, gitudlo Niya ang mga anciano sa matag iglesia lokal aron morepresentar sa Iyang pagbulot-an—v. 23; Tito 1:5:
  1. Sa unibersohanong iglesia dunay katungdanan sa pagkaapostol, nga naghatag sa mga apostol sa posisyon ug katungod nga motudlog mga anciano nga modumala sa mga iglesia lokal—1 Cor. 12:28; Buh. 14:23; Tito 1:5.
  2. Nausa ang Espiritu Santo sa mga apostol sa pagtudlo nila sa mga anciano, ug gibuhat kini sa mga apostol sumala sa paggiya sa Espiritu Santo—Buh. 20:28.
  3. Ang pagbulot-an sa mga anciano alang man sa pagrepresentar ug pagpadayag sa pagbulot-an sa Dios—1 Ped. 5:1-3.
  4. Ang labing dakong kaakohan sa mga anciano isip mga maglalantaw dili man pagbuot kun pagharihari kondili pag-atiman, malangkobon-sa-tanan ug malumong mangatiman sa panon, sa iglesia sa Dios—Buh. 20:18.

5. Pagkadaghan (plurality) ang prinsipyo sa Kasulatan kalabot sa pagkaanciano; kon daghan ang mga anciano, walay mapihong pangulo, ug matamod, maampingan, ug matahod ang bugtong-talagsaong pagkaulo ni Cristo—14:23; Tito 1:5.
6. Diha sa iglesiahanong kinabuhi mosugot gyod ta sa mga nanguna nato ug magpasakop nila (Heb. 13:17); kon dili ta makapasakop sa gitudlo sa Dios nga tinugyanang pagbulot-an, dili ta makapasakop sa Dios.

**V. Dunay diosnong pangagamhanan diha sa iglesiahanong kinabuhi karon, ug naggikan sa trono sa Dios ug sa Cordero kining pangagamhana—Bug. 22:1-2:**

- A. Ang diosnong pagbulot-an diha sa iglesia aron man ikapaambit sa Dios ang Iyang Kaugalingon kanato ingon nga kinabuhi, sangkap sa kinabuhi, ug igo-satanan nga grasya; sa pagpasakop lang nato sa trono makaambit ta sa Iyang igo-satanan nga tinubdan sa nag-agay nga grasya—2 Cor. 13:14; Bug. 22:1-2, 16.
- B. Ang trono sa grasya sa Mga Hebreohanon 4:16 mao ang trono sa pagbulot-an sa Bugna 4, nga nahimong trono sa Dios ug sa Cordero sa Bugna 22:1-2, nga gikan niini nag-agay ang “suba sa tubig sa kinabuhi, tin-aw sama sa kristal” (v. 1):
  1. Bisan trono sa pagbulot-an, trono sa pagkaulo, ang trono, nag-agay gikan niini ang suba sa tubig sa kinabuhi—v. 1.
  2. Kay dili man trono ra sa Dios ang trono kondili trono sa Dios ug sa Cordero nagpasabot kini nga nag-agay ang Dios diha sa Cordero ingon nga grasya aron mapahimuslan nato:
    - a. Dili gyod nato ibulag sa grasya ang pagbulot-an o ibulag ba sa pagbulot-an ang grasya; usa ra ang grasya ug pagbulot-an—Heb. 4:16; Bug. 22:1.
    - b. Moduol ngani ta ning tronoha mabati nato nga samag suba ang grasya sa Dios nga nag-agay sa sulod nato—Heb. 4:16; Bug. 22:1-2.
  3. Naghari si Ginoong Jesus karon dili lang uban sa pagbulot-an; naghari Siya diha sa iglesia, taliwala sa kaiglesiahan, ug ibabaw sa tanang kaiglesiahan pinaagi sa nag-agay sa Iyang kinabuhi ingon nga grasya—4:2-3; 5:6; 7:9; 22:1-2
- C. Dili lang tinubdan sa diosnong administrasyon ang trono, ang pagbulot-an, sa Dios ug sa Cordero; tinubdan sab kini sa diosnong pakig-ambitay—vv. 1-2:
  1. Duha ka linya diha sa Lawas ang pagbulot-an ug pakig-ambitay—1 Cor. 11:3; 12:12-13, 18; 1:9; 10:16-17.
  2. Samtang may kalabotan sa pagbulot-an ang trono, may kalabotan ang nag-agay nga suba sa pakig-ambitay nga gitiman-an sa dalan, nga “lunsayng bulawan, sama sa sihag nga bildo”—Bug. 21:21:
    - a. Nagrepresentar ang trono sa diosnong pagbulot-an, ug gikan sa trono ni-agay ang suba sa tubig sa kinabuhi aron makapahimuslan ta sa diosnong pakig-ambitay—22:1-2.
    - b. Ning pakig-ambitay dunay diosnong pagbulot-an, kay sa pamatigayon sa Dios mag-uban gyod kanunay sa pakig-ambitay ang pagbulot-an—2 Cor. 10:8; 13:10, 14.
  3. Aron praktikal nga matukod ang iglesia lokal, nagkinahanglan ta sa trono sa Dios ug sa Cordero ug sa tubig sa kinabuhi, tin-aw sama sa kristal, nga naggikan sa trono ug nag-agay diha sa dalan nga “lunsayng bulawan, sama sa sihag nga bildo”—Bug. 22:1-2.